

LUTRIJA BOSNE I HERCEGOVINE d.o.o.
UPRAVNI ODBOR

Na osnovu člana 22. Zakona o igrama na sreću („Službene novine FBiH“, br.48/15 i 60/15) i člana 13. Statuta Lutrije Bosne i Hercegovine d.o.o. Sarajevo (“Službene novine FBiH”, br. 43/03 i 49/14), Upravni odbor Lutrije Bosne i Hercegovine, na sjednici održanoj dana 22.10.2015. godine, d o n i o j e

**PRAVILA O IZMJENAMA I DOPUNAMA PRAVILA
IGRE NA SREĆU TV TOMBOLA BINGO**

Član 1.

U Pravilima igre na sreću TV Tombola Bingo, broj: 01-27-497-3/14. od 13.03.2014. godine, u članu 28. u stavu 3. se briše alineja 5. i ista glasi:

„dobitak pete vrste - trinaest pogodaka, koji nisu ostvarili deseterac;“

Član 2.

Član 29. Pravila igre na sreću TV Tombola Bingo mijenja se i glasi:

„Fond dobitaka se dijeli na:

- Fond za igru igrač-gost, u fiksnom iznosu od 2.000,00 KM (ovaj fond se uvećava za iznos od 4.000,00 KM iz fonda neisplaćenih dobitaka).
- Grupni dobitak za učesnike u studiju u iznosu od 5.000,00 KM do 10.000,00 KM.
- Fond za dobitak 14 pogodaka, u fiksnom iznosu od 2.500,00 KM.

Ostatak fonda se dijeli na ove omjere:

- Bingo38%.
- Deset pogodaka18%.
- Pet pogodaka44%.

Ako ostvareni fond u kolu nije dovoljan za isplatu dobitaka od pet pogodaka u iznosu od 4,00 KM, Priređivač može iznos razlike nadoknaditi iz fonda neisplaćenih dobitaka, odlukom generalnog direktora.

Iznos fonda dobitaka, za svaku vrstu dobitaka, se dijeli na jednake iznose, ovisno o ukupnom broju dobitaka te vrste.

Generalni direktor utvrđuje odlukom:

- učesnike u studiju;
- vrstu, način i promjenu pojedinačnih promotivnih nagrada za učesnike u studiju;

Pojedinačne promotivne nagrade osvajaju gosti u studiju čiji se broj bedža podudara sa svakim petim izvučenim brojem i posljednjim izvučenim brojem.

U slučaju kada akumulirani Jackpot u TV Tomboli Bingo pređe iznos od 1.000.000,00 KM raspodjela fonda dobitaka se takođe vrši na slijedeći način:

- Bingo38%.
- Deset pogodaka18%.
- Pet pogodaka44%.

U slučaju kada akumulirani Jackpot u TV Tomboli Bingo pređe iznos od 1.000.000,00 KM, dio akumuliranog Jackpota se može koristiti za uvećanje fonda dobitaka tekućeg kola.

Odluke o raspodjeli dobitaka u igri TV Tombola Bingo iz ovog člana donosi Upravni odbor Lutrije BiH, na prijedlog generalnog direktora.“

Član 3.

Član 30. Pravila igre na sreću TV Tombola Bingo mijenja se i glasi:

„DOBITAK PRVE VRSTE-JACKPOT ILI BINGO

Ako je na jednoj od tri kombinacije ispisanog na potvrdi o uplati pogođeno svih petnaest do tada izvučenih brojeva, počevši od:

- 15-tog (petnaestog) izvučenog broja do zaključno sa 33-im (tridesettrećim) izvučenim brojem dobitak je Jackpot (u daljem tekstu Jackpot).
- 34-tog (tridesetčetvrtog) izvučenog broja, do kraja izvlačenja, dobitak je 60% fonda Bingo tekućeg kola (u daljem tekstu: Bingo 34+), a ostali 40% se akumulira u fond Jackpota.

Ukoliko Upravni odbor donese Odluku u skladu sa članom 29. stav 9. ovih Pravila, a akumulirani iznos Jackpota je prešao iznos od 1.000.000,00 KM i pogođeno je svih petnaest brojeva nakon 33-eg (tridesettrećeg) izvučenog broja, dobitak Bingo 34+ čini 90% fonda dobitaka Binga tekućeg kola, a ostatak od 10% se akumulira u fond za Jackpot.

DOBITAK DRUGE VRSTE-10 POGODAKA

Dobitak druge vrste-deset pogodaka, ostvaruje se zaključno sa 33-im (tridesettrećim) izvučenim brojem , ako je pogođeno svih deset brojeva u bilo koja dva reda jedne kombinacije ispisanog na potvrdi o uplati.

Ako se do 33-eg (tridesettrećeg) izvučenog broja ne ostvari dobitak druge vrste, fond dobitaka druge vrste se prenosi u fond dobitaka treće vrste.

DOBITAK TREĆE VRSTE-5 POGODAKA

Dobitak treće vrste-pet pogodaka, ostvaruje se zaključno sa 33-im (tridesettrećim) izvučenim brojem, ako je pogođeno svih pet brojeva u bilo kojem redu jedne kombinacije ispisane na potvrdi o uplati.

DOBITAK ČETVIRTE VRSTE-14 POGODAKA

Dobitak 14 pogodaka utvrđuje se kada se ostvari Bingo i svi igrači koji imaju 14 pogođenih brojeva, a nisu ostvarili deseterac, dobijaju po 100,00 KM.

Sredstva za ove dobitke izdvajaju se iz formiranog fonda odnosnog kola u iznosu od 2.500,00 KM, a ukoliko je taj iznos nedovoljan, razlika se namiruje iz fonda neisplaćenih dobitaka, osim u vanrednom kolu.

GRUPNI DOBITAK ZA UČESNIKE U STUDIJU

Predstavnici svih učesnika u studiju (kulturno umjetnička društva, sportska društva, itd.) koji prisustvuju javnom izvlačenju igre TV Tombola Bingo učestvuju u igri „Strugalica“ putem koje ostvaruju grupni dobitak za društvo koje predstavljaju. Igra „Strugalica“ se priređuje putem panoa (Strugalice) na kojem se nalazi 6 polja u kojima su ispisani fiksni dobici u iznosima od 5.000,00 KM; 6.000,00 KM; 7.000,00 KM; 8.000,00 KM; 9.000,00 KM i 10.000,00 KM. Svi navedeni novčani iznosi su nasumično poredani, prekriveni zaštitnom Scratch-off emulzijom i označeni sa brojevima od 1 do 6.

Predstavnik učesnika u studiju u ovoj igri učestvuje tako što odabere dva od šest ponuđenih brojeva i saopšti ih voditelju emisije. Nakon odabira brojeva predstavnik učesnika u studiju grebanjem prvo skida zaštitnu scratch-off emulziju sa jednog od dva broja koja je odabrao. Nakon što se skidanjem zaštitne scratch-off emulzije utvrdi tačan novčani iznos koji je prikriven ispod tog polja voditelj igraču nudi opciju da li prihvata taj iznos, ili ga odbija i želi da otkrije polje ispod drugog broja kojeg je odabrao.

U slučaju da igrač prihvati novčani iznos koji se otkrije nakon skidanja emulzije sa polja ispod prvog otkrivenog broja, tada taj novčani iznos predstavlja konačni dobitak.

U slučaju da igrač odbije da prihvati novčani iznos sa polja koje je već otkrio tada otkriveni iznos sa drugog polja predstavlja konačni dobitak.“

Član 4.

U članu 31. Pravila igre na sreću TV Tombola Bingo mijenja se stav 3. i glasi:

„Ako se dobitak Jackpot ne ostvari, a ostvaren je dobitak Bingo 34+, neisplaćeni dio fonda dobitaka Binga tekućeg kola pridodaje se i akumulira isključivo u fond Jackpota.“

Član 5.

U članu 32. Pravila igre na sreću TV Tombola Bingo mijenja se stav 4. i glasi:

„Izvlačenje se nastavlja dok se ne ostvari dobitak prve vrste kako slijedi:

- Bingo 34+, počevši od 34-tog (tridesetčetvrtog) izvučenog broja do ostvarenja tog dobitka.“

Član 6.

Član 33. Pravila igre na sreću TV Tombola Bingo mijenja se i glasi:

„Svi imaoci potvrde o uplati TV Tombola Bingo mogu učestvovati u igri igrač-gost, putem SMS poruke, na način da u poruci, upućenoj na određeni broj telefona Lutrije BiH, bude ispisan serijski broj pomoćnog istića ispisan na potvrdi o uplaćenom TV Bingu za tekuće kolo. Putem poruke može se poslati samo jednom isti broj potvrde.

Izvlačenje dobitnika ove igre vrši se slučajnim odabirom 3 (tri) dobitnika u tekućem kolu, koji će učestvovati isključivo u narednoj emisiji TV Tombola Bingo, uz prezentaciju potvrde o uplati TV Tombole Bingo. Dobitnici koji se ne pojave u narednoj emisiji gube pravo naknadnog učešća.

Ukoliko je igrač došao u studio, a poslije nije u mogućnosti iz bilo kog razloga izvlačiti dobitke, za njega to radi voditelj programa.

Ukoliko voditelj programa u prvom pokušaju otvori polje sa dobitkom većim od 500,00 KM, a različitim od 1.000+ taj iznos je konačan.

Ukoliko voditelj programa otvori prvo polje sa 500,00 KM obavezno otvara drugo polje, a ako je dobitak na drugom polju različit od 1.000 + taj dobitak je konačan, a ako je dobitak na drugom polju 1.000+ voditelj programa otvara treće polje i zbir vrijednosti drugog i trećeg polja je konačan.

Ukoliko voditelj programa otvori prvo polje sa vrijednošću 1.000+ otvara drugo polje i zbir vrijednosti prvog i drugog polja je konačan.

Voditelj programa bira igrača- gosta za slijedeće kolo.

Ukoliko učesnik u igri putem SMS poruke ne posjeduje original potvrdu o uplati TV Tombole Bingo (zbog gubitka ili uništenja iste), može učestvovati u igri, na osnovu pismenog zahtjeva uz provjeru od strane Odjeljenja EOP-a da je poruka poslana sa broja mobilnog telefona i izlistanih potvrda o izvršenoj uplati putem SMS koja je snimljena na DVD-u.

U TV studiju na touch screen ekranu nalazi se 15 (petnaest) prekrivenih polja sa fiksnim i promjenjivim dobitcima:

- Fiksni dobitci su:
 - 1x2.500,00 KM; 1x2.000,00 KM; 2x 1.500,00 KM; 2x 1.000,00 KM; 3x 500,00 KM i 1x1.000 + .
- Promjenjivi dobitci su :
 - 1x5.000,00 KM; 2x1.500,00 KM; 2x1.000,00 KM uvećani za eventualni ostatak iz prethodnog kola.

Ukoliko je vrijednost ostvarenih dobitaka tekućeg kola manja od 6.000,00 KM razlika se prenosi na 5 (pet) varijabilnih dobitaka u narednom kolu, u sljedećem omjeru: 1 x 50%, 2 x 15% i 2 x 10%.

Visina pojedinih dobitaka zaokružuje se na desetice.

Ukoliko je vrijednost ostvarenih dobitaka u tekućem kolu veća od 6.000,00 KM, razlika se nadoknađuje iz fonda neisplaćenih dobitaka.

Redosljed po kojem gosti igrači izvlače dobitke u skladu je sa redosljedom po kojem su izvučeni u prethodnom kolu.

SMS igrač bira i otvara polja na touch screen ekranu.

Nakon što je otvorio polje sa dobitkom, ukoliko igrač prihvata taj dobitak pritiskom na polje "UZIMAM" završava igru. Ukoliko igrač ne prihvata otvoreno polje sa dobitkom, pritiskom na polje "RIZIKUJEM" gubi pravo na prethodni dobitak i otvara novo polje i osvojeni iznos na novootvorenom polju je konačan.

U slučaju nepodudaranja rečenog polja i odigranog polja, važeće je odigrano polje (polje odabrano pritiskom na touch screen).

Igrač u daljem postupku birajući novog gost-igrača, za naredno kolo, završava igru.

Dobitak 1.000 +

Ukoliko jedan od igrača, u prvom pokušaju prilikom izbora i otvaranja polja, otvori polje sa iznosom 1000 +, ima pravo otvoriti još dva nova polja. Ukoliko je igrač sa iznosom dobitka u novotvorenom polju zadovoljan, završava otvaranje polja i osvaja taj dobitak uvećan za 1.000,00 KM.

Ukoliko igrač nije zadovoljan sa dobitkom iz predhodnog stava, otvara novo polje i ostvaruje samo dobitak sa otvorenog polja.

Ukoliko jedan od igrača u drugom pokušaju ostvari dobitak 1.000+, gubi pravo na ostvareni dobitak iz prvog pokušaja i obavezan je otvoriti novo polje, na dobitak tog novog polja dodaje se iznos od 1.000,00 KM, što postaje konačan dobitak.

U slučaju da prije početka ili u toku SMS igre nastane kvar na elektronskoj opremi, igra se nastavlja biranjem koverti od 1 do 15, u kojima se nalaze dobici za tekuće kolo prema istom rasporedu kao i na touch screen ekranu.

Koverta sa oznakama polja koja su ranije otvorena, izdvajaju se i ne učestvuju u izvlačenju.

Svi imaoći potvrde o uplati TV Binga koji su poslali SMS poruku za učešće u igri igrač-gost, imaju mogućnost osvojiti dodatnu nagradu utvrđenu odlukom generalnog direktora.

Dobitnik će se izvlačiti iz baze primljenih SMS poruka za tekuće kolo.

Generalni direktor svojom odlukom utvrđuje sadržaj SMS igre i način raspodjele fonda dobitaka iz ovog člana.

Svi igrači koji uplatu u igri TV Bingo izvrše putem SMS-a, pošalju SMS za učešće u igri igrač gost "ŠANSA VIŠE" ili pošalju SMS za Vanredna kola TV Tombole Bingo i budu registrovani u bazi poslanih SMS poruka pristaju na prijem SMS obavještenja od strane Lutrije BiH. "

Član 7.

Ostale odredbe Pravila igre na sreću TV Tombola Bingo ostaju nepromjenjene.

Član 8.

Ova Pravila stupaju na snagu narednog dana od dana objavljivanja u jednom od sredstava javnog informisanja.

Broj: 01-53-1850-5/15
Dana: 22.10.2015.godine

P R E D S J E D N I K
Miroslav Ćorić, s.r.